

新聞出版改革發展項目庫（項目號：0020121580）
財政部文化產業發展專項資金重點資助項目
天一閣藏古籍珍本數字出版工程

龔延明 主編

天一閣藏

明代科舉錄選刊

鄉試錄（五）

順天府鄉試全序
聖天子重興農正化天下成文明
之治已歷十餘年矣
上下交孚明德光臨
日月星辰垂象乎天而天之文
以六百載之天辰乎

寧波出版社



聖人南面而天下皆明而治此
 之謂也乃於此中春秋遺書
 之書曰
 聖人南面而天下皆明而治此
 之謂也乃於此中春秋遺書
 之書曰

新聞出版改革發展項目庫（項目號：0020121580）
財政部文化產業發展專項資金重點資助項目
天一閣藏古籍珍本數字出版工程

龔延明 主編

天一閣藏

明代科舉錄選刊

鄉試錄（五）

順天府鄉試錄序

聖天子重明麗正化天下成文明
之治已閱十年餘維時
上下交孚明德光顯萬象煥新故
日月星辰麗乎天而天之文
以著百穀草木麗乎土而地

寧波出版社

此为试读,需要完整PDF请访问: www.ertongbook.com

本册目錄

嘉靖四十三年河南鄉試錄	3623
隆慶元年河南鄉試錄	3658
隆慶四年河南鄉試錄	3693
萬曆元年河南鄉試錄	3729
萬曆四年河南鄉試錄	3764
國朝河南舉人名錄（一）	3799
國朝河南舉人名錄（二）	3832
國朝河南舉人名錄（三）	3877
國朝河南舉人名錄（四）	3921
成化七年陝西鄉試錄	3960
成化十年陝西鄉試錄	3986
弘治八年陝西鄉試錄	4012
弘治十一年陝西鄉試錄	4043
弘治十七年陝西鄉試錄	4072
正德十一年陝西鄉試錄	4102
嘉靖四年陝西鄉試錄	4134
嘉靖十六年陝西鄉試錄	4165
嘉靖二十八年陝西鄉試錄	4197
嘉靖三十一年陝西鄉試錄	4228
嘉靖三十七年陝西鄉試錄	4263

隆慶四年陝西鄉試錄	4297
萬曆元年陝西鄉試錄	4335
萬曆七年陝西鄉試錄	4371
萬曆十年陝西鄉試錄	4405
成化元年四川鄉試錄	4438

嘉靖四十三年河南鄉試錄

河南鄉試錄序

嘉靖甲子是爲皇上御極之四十有三年而天地一元之太始也景運載啓帝道遐昌上方疇咨俊乂共翊隆平而是歲天下復當鄉試巡按河南監察御史顏鯨實惟監臨申飭所司考慎典制視諸故事前因虔愍焉先期走幣敦聘四方文儒之粹與簾以外諸臣咸極一時之選如期畢至比入院躬率庶采矢諸天地衆心悚惕其風肅如乃合提學副使陳應和所選士二千鎖闈三試之得士八十人錄其文之優者以獻遵制也楚以職事得序首簡則以身所見聞者爲多士誦之惟茲中原文獻之傳乃古記之矣其地則殷周之墟而春秋宋衛陳蔡晉楚之舊疆也比因應聘所至歷覽古人陳迹慨然興懷嘆曰昔孔子以大聖人之道世莫宗予轍迹幾遍天下至削迹伐木於宋衛之邦絕糧陳蔡欲往晉楚又弗果竟不得試而歸見遇之難也如此然猶生於叔代其時則然耳傳說當商宗之世可謂幸矣乃築傅巖渾迹賤工若將終身焉使非帝感良弼之夢則審象旁求者誰耶不可謂不難矣然此猶在商之中葉伊尹生遇成湯則殷之始造也然樂堯舜之疲乏而耕於有莘之野在今陳留境內及後元聖登聞久而幣聘猶且往來五就始合故好事者尚遺割烹之疑其於遇也不益難乎今多士長育明時涵煦祖宗二百年道化之久恭遇皇上敬一傳心獨紹古帝王之統綸奎離炳燦若日星凡有血氣者罔不衣被而親炙之可不謂大幸與士生羈貫能通章句以上有司即舉以禮表衿峩冠紆餘而游庠校復其身家無所事事以遂其絃誦游息之業非有版築胼胝之勞也餼廩廛庖月給歲支里宰執以聽命非有躬耕沾塗之困也每三歲賓興賢能大張網羅僅占一經嘗坐而取高第起家徒步致卿相之榮非有周流歷聘陳蔡之阨不閱於魯衛也是孔子伊傳之所不能得者今皆盡得之矣夫感知遇之難荷遭逢之盛不思所以勉力圖報者非夫也孔子曰臣事君以忠說命曰非知之艱行之惟艱伊尹之言曰臣罔以寵利居成功三者言殊而理則一明此可與事君矣夫忠者盡其心之謂也士伏蓬茅日誦孔子之言誰有不願爲忠者譬諸處子未字貞素猶全一旦立乎其位漸習移人忘其舊學或借六藝以文奸

言有知其不可而卒蹈之者行之惟艱不其然乎此無他寵利之習壞之也故自私自利之念重則患得患失之心生而淺之乎爲臣矣諸士自顧平生所得何如仲尼伊傅學不如仲尼伊傅而遇且過之可不以仲尼伊傅之教是繩是趨與其尚除去陋習一乃心猷毋行吾所疑而生悔吝毋忽人不見而欺隱微毋從我嗜好而忘民物竭股肱作耳目公家之事知無不爲是謂社稷之隸邦其永孚於休而忠成矣將俾後之人亟稱之曰國家萬年治平之運自嘉靖甲子衍之而彌長中州百年豪杰之期亦自今甲子繼之而益盛則諸士之遇之榮雖過於仲尼伊傅可也以答明時也主司者亦永有所光藉焉是役也楚與蔡光祖以教諭來典校事嘗學詩禮有一得焉其同考試則學正龔起鳳劉汝翱教諭陳巽言盧大元李貞各以易詩名周冲王念以書名鄧林材以春秋名分經而校弗敢淆也提調則左布政使趙希夔右布政使朱大器監試則按察司副使楊準僉事林大春飭度經物祇肅憲程弗敢懈也前巡撫河南右副都御史胡堯臣約法樹防澤流教遠士有興也今戶部右侍郎巡撫河南右僉都御史遲鳳翔風猷綏靖文武握憲大和民也總理河道工部右侍郎右僉都御史陳堯撫治右僉都御史康朗儀矩咸貞遐邇則也訪求祕書御史王大任先後巡鹽御史熊迴胡鑰馮善督馬御史吳守紀殖倫清表樹卓也其區畫于外則左參議章世仁聶瀛右參議劉行素副使梁夢龍楊一鶚徐貢元僉事朱卿黃紀楊芷王學謨署都指揮僉事顧承勛張子鯨宣力協恭勞勩均也其以入賀行則左參政楊挺高僉事黎德充署都指揮僉事何汝棟其新膺簡命則右布政使王崇古其近經遷秩則右參政范惟一左參議張蕙右參議耿隨卿按察司副使石茂華始事贊襄亦有緒也其以奉使至則行人石星羅大玘蔚元康將事展采觀感繫也法得并書

直隸應天府溧陽縣儒學教諭林楚謹序

嘉靖四十三年河南鄉試

監臨官

巡按河南監察御史顏鯨（應雷浙江慈溪縣人 丙辰進士）

提調官

河南等處承宣布政使司左布政使趙希夔（一卿山西長治縣人 乙未進士）

河南等處承宣布政使司右布政使朱大器（自充江西南城縣人 甲辰進士）

監試官

河南等處提刑按察司副使楊準（汝宅直隸宜興縣人 癸丑進士）

河南等處提刑按察司僉事林大春（邦陽廣東潮陽縣人 庚戌進士）

考試官

直隸應天府溧陽縣儒學教諭林楚（德春福建漳浦縣人 戊午貢士）

直隸揚州府江都縣儒學教諭蔡光祖（以文湖廣麻城縣人 乙卯貢士）

同考試官

直隸真守府定州儒學學正龔起鳳（瑞周直隸太倉州人 戊午貢士）

山東濟南府武定州儒學學正劉汝翱（應鳳江西萬安縣人 乙卯貢士）

直隸常州府宜興縣儒學教諭陳巽言（汝悅江西宜春縣人 丙午貢士）

山東濟南府德州德平縣儒學教諭周冲（升甫湖廣江夏縣人 癸卯貢士）

山西平陽府趙城縣儒學教諭王念（汝脩陝西盩厔縣人 辛酉貢士）

直隸河間府青縣儒學教諭鄧林材（子培四川內江縣人 辛酉貢士）

湖廣承天府沔陽州景陵縣儒學教諭盧大元（則立廣東新會縣人 丙午貢士）

山西平陽府蒲州河津縣儒學教諭李貞（吉甫陝西鳳翔縣人 戊午貢士）

印卷官

河南等處承宣布政使司經歷司經歷茅艮（靜夫浙江歸安縣人 監生）

河南等處提刑按察司經歷司經歷李佐（汝忠山東滋陽縣人 監生）

收掌試卷官

開封府知府王宗徐（子敏江西泰和縣人 癸卯貢士）

汝寧府知府曹科（淑四山西寧夏縣人 癸丑進士）

南陽府知府彭繼業（大芳山東膠州千戶所籍江西龍泉縣人 庚戌進士）

歸德府知府羅復（子貞江西南昌縣人 癸丑進士）

受卷官

彰德府同知王期吉（克淳山西潞州衛人 己未進士）

開封府推官孫以仁（學元山東登州衛籍直隸崑山縣人 壬戌進士）

南陽府推官祝尚義(質甫騰驤左衛籍直隸淮安衛人 壬戌進士)

汝寧府光州知州紀濂(宗周浙江烏程縣人 丙午貢士)

汝寧府信陽州知州潘德元(懋生直隸太倉州人 甲午貢士)

汝州伊陽縣知縣安守魯(汝確貴州水德江長官司籍陝西咸陽縣人
壬子貢士)

彌封官

南陽府通判戴甫(相周浙江昌化縣人 庚子貢士)

歸德府推官羅青霄(子虛四川忠州人 壬戌進士)

開封府許州知州成鍾音(本諧直隸遵化縣人 壬戌進士)

開封府鄭州判官金甌(汝相直隸六安州人 丙辰進士)

汝寧府新蔡縣知縣鄒廷望(道吾湖廣新化縣人 壬戌進士)

開封府陳留縣知縣王克肖(踐甫四川夾江縣人 癸卯貢士)

膳錄官

河南府推官王時舉(晉鄉直隸通州籍江西金溪縣人 壬戌進士)

南陽府鄧州同知鄭舜臣(希仁浙江山陰縣籍上虞縣人 丙辰進士)

開封府祥符縣知縣蹇達(汝止四川重慶衛人 壬戌進士)

汝寧府光州光山縣知縣張問明(子明山西猗氏縣人 壬戌進士)

汝寧府確山縣知縣馬文煒(仲韜山東安丘縣人 壬戌進士)

南陽府唐縣知縣李可久(之德山西陽城縣人 壬戌進士)

對讀官

彰德府推官張鎰(伯重陝西醴泉縣人 丙午貢士)

河南府宜陽縣知縣李苟(子蓋山東壽光縣籍臨朐縣人 壬戌進士)

南陽府泌陽縣知縣陶采(子素湖廣黃陂縣人 癸卯貢士)

開封府鄭州滎陽縣知縣高世儒(仲醇四川內江縣人 丙午貢士)

懷慶府河內縣知縣康清(寅甫浙江餘姚縣人 癸卯貢士)

開封府太康縣知縣徐大經(正夫直隸興化縣人 丁酉貢士)

巡綽官

宣武衛指揮使孫良臣(惟忠直隸巢縣人)

懷慶衛指揮同知卞永(子延直隸江都縣人)

陳州衛指揮僉事賈國禎(子兆直隸長垣縣人)

河南衛指揮僉事陳邦裕(克順直隸滁州人)

搜檢官

南陽衛指揮同知邢謙（子亨直隸新城縣人）

睢陽衛指揮僉事雍來臣（子卿直隸鳳陽縣人）

宣武衛指揮僉事董允縉（子信湖廣江夏縣人）

穎川衛指揮僉事武纘緒（善繼交趾峽山縣人）

供給官

河南等處承宣布政使司理問所理問陸豫卿（子順直隸崑山縣人
監生）

河南等處承宣布政使司照磨所檢校范楫（子濟江西南城縣人監生）

河南等處提刑按察司經歷司知事周城（仲宗直隸常熟縣人 監生）

河南等處提刑按察司照磨所照磨蕭學顏（亞夫湖廣長沙縣人監生）

河南等處提刑按察司照磨所檢校彭世堪（參莆江西安福縣人監生）

河南都指揮使司經歷司經歷藺鏜（士鳴萬全都司人 監生）

開封府同知盛資汝（以善直隸常熟縣人 辛卯貢士）

衛輝府同知喬誥（世欽直隸上海縣人 癸卯貢士）

開封府通判田佐（弼卿直隸鳳陽縣人 癸卯貢士）

開封府尉氏縣知縣袁思忠（子孝山東齊東縣人丙午貢士）

河南府偃師縣知縣盧學韶（子聞山西臨汾縣人 丙午貢士）

時德府永城縣知縣李元芳（應春山東膠州人 丙午貢士）

河南府孟津縣知縣馮嘉乾（宗健山東東平州人 丙午貢士）

開封府許州長葛縣知縣蔡紹先（伯孝直隸成安縣人 監生）

衛輝府照磨所檢校陳弼（良佐直隸武邑縣人 儒士）

開封府許州判官彭良壽（天植湖廣黃陂縣人 監生）

開封府祥符縣縣丞鄒應垣（汝甫浙江餘姚縣人 儒士）

開封府中牟縣縣丞秦世臣（汝敬直隸趙州人 監生）

河南府澠池縣縣丞胡純（天粹浙江嘉興縣人 監生）

汝州郟縣典史呂璨（德昭直隸常熟縣人 吏員）

汝寧府汝陽縣典史張俱（允之直隸寶應縣人 吏員）

懷慶府河內縣典史薛侃（汝直山西滎河縣人 吏員）

開封府大梁驛驛丞萬廷相（汝弼江西南昌縣人 承差）

開封府許州馬驛驛丞魏天應（惟德江西南昌縣人 承差）

第一場

四書

克己復禮爲仁一日克己復禮天下歸仁焉爲仁由己而由人乎哉顏淵曰請問其目子曰非禮勿視非禮勿聽非禮勿言非禮勿動 唯天下至誠爲能盡其性 始條理者智之事也

易

應乎天而時行是以元亨 上九鼎玉鉉大吉无不利象曰玉鉉在上剛柔節也 利用出入民咸用之謂之神 說萬物者莫說乎澤

書

汝作秩宗夙夜惟寅直哉惟清伯拜稽首讓于夔龍 惟天佑于一德立政任人準夫牧作三事虎賁綴衣趣馬小尹左右携僕百司庶府大都小伯藝人表臣百司太史尹伯庶常吉士 公其惟時成周建無窮之基亦有無窮之聞

詩

采荼薪樗食我農夫 祀事孔明先祖是皇神保是饗孝孫有慶報以介福萬壽無疆 其香始升上帝居歆 赫赫厥聲濯濯厥靈壽考且寧

春秋

單伯至自齊(文公十有五年) 秋九月楚子圍宋(宣公十有四年) 夏五月宋人及楚人平(宣公十有五年) 六月癸酉季孫行父臧孫許叔孫僑如公孫嬰齊帥師會晉却克衛孫良夫曹公子首及齊侯戰于鞏齊師敗績己酉及國佐盟于袁婁(俱成公二年) 公會晉侯宋公衛侯曹伯齊世子光莒子邾子滕子薛伯杞伯小邾子伐鄭(襄公十年) 公會晉侯宋公衛侯曹伯齊世子光莒子邾子滕子薛伯杞伯小邾子伐鄭公會晉侯宋公衛侯曹伯齊世子光莒子邾子滕子薛伯杞伯小邾子伐鄭(襄公十有一年) 齊人歸讙及闡(哀公八年)

禮記

虎豹之皮示服猛也 著不息者天也著不動者地也一動一靜者天地之間也 無所不順者之謂備言內盡於己而外順於道也 臣下竭力盡能以立功於國君必報之以爵祿故臣下皆務竭力盡能以立功是以國安而君寧

第二場

論

世濟仁壽之域

詔誥表（內科一道）

擬漢議可以佐百姓者詔（後元年） 擬唐以許孟容爲京兆尹誥（元和四年） 擬宋命看詳學制儒臣謝表（元祐元年）

判語五條

舉用有過官吏 丁夫差遣不平 致祭祀典神祇 公侯私役官軍
失時不修堤防

第三場

策（五道）

問 帝王之御世也莫不以知人安民爲先務而知人又所以安民昔者四岳之咨九官之命聖人固自盡其吉凶與民同患之心其效至於澤被動植鳳凰來儀治之極也夏后殷周之盛未有不由斯道者也國家聖祖開基列聖繼統尤克謹於知人安民之謨以成久安長治之福洪惟皇上神智炳靈生照萬物仁恩汪濊煦嫗群生顧虚心求治猶恐不及伏讀聖制曰我欲聞是知人之方能官之智此所清問於蓬茅葦帶之士者也又曰念斯民動擾之易而撫綏之難此因徐房水患播告于來朝官員者也近復以吏不得人民受其病有曰欺謗也不無而貪肆甚矣國虧民苦祖宗法度視爲眇耳是又特札於館閣公孤之臣者也聖謨赫赫諄諭再三不啻堯舜之用心矣夫庶尹之諧與百獸率舞同紀於虞書今奇祥靈貺岳貢川輪則已格及鳥獸草木矣况學士大夫乎不識中外之臣自此皆能洗心宣力仰追虞廷允諧之風否乎吏治不稱德愧古人其病源又安在與今考察之典屢歲加嚴所不足者非法也所以轉移化導使官皆得人民無失所其道將何從與願詳著于篇以觀二三子之志

問 古者以德行興賢後世以文章造士三代而上士或隱於耕牧陶鈞負販版築之間至躬聘旁搜而後出漢初設四科取士而孝弟力田得與賢良文學并進猶有先王遺意唐以後始專重明經進士科矣好古君子每憂科舉之不足以盡人議欲更之然敷納以言肇於虞書春誦夏絃合語言揚本之周禮與今明經文學之科不識有同之者否與試舍明經文學之選復古德行之科則其所得或即今庠校衿珮之人與抑別有一種殊尤絕迹異乎今之所謂

士者與使誠有之則其人皆安在與昔呂伯恭以舉業教浙東朱子以書規之伯恭答書云若不開此一路則法堂前草深一丈其言是與非抑其情亦有甚不獲已者與茲欲明經文學之舉而兼得乎先王德行道藝之意取士者必得其人蒙錄者不負所舉若何而可諸子懷奇售試於有司則必以古豪杰自期待也豈無以復我

問 先儒有言纔爲學便當知用力處纔用力又當知得力處此名言也即如大學論古人爲學次第自明明德於天下推本於家國身心又推極於誠意致知而約之於格物則此二字乃至精至一之妙而古今學術最用力處也朱子以察之念慮之微驗之事爲之著求之文字之中索之講論之際均屬格物工夫此曾經體認言之必真近世知道之士又或厭其支離未免向外尋討朱子晚年乃亦自悔日前爲學不得要領然則所謂格物之物竟何所指乎易謂多識前言往行以畜其德又謂窮理盡性精義入神所謂窮理精義與多識之功淺深當何所辨斯三者得無即大學格物之旨矣乎程子謂學家者須識仁體識得此理以誠敬存之存久自明不須窮索其於格物之說有相异同否與夫進學在致知而格物乃入門第一義也於此不早辨則途轍一差終身無得於道矣以朱子之精義猶有晚年之悔然則其從前豈嘗錯用功與抑恐其門人未流入於泛博顧謙已以挽其趨與今欲求格致歸一之指以觀諸子平日所用力得力者果安在也

問 夷狄爲患盛世不免三代以前且不暇論漢高祖開基之主乘誅秦滅項之威而有冒頓之患文帝治平之朝烽火通於甘泉長安及元成之世漢業已衰呼韓奉其國珍款塞來朝唐太宗雖擒頡利然回鶻土番數反覆爲患而河湟之復乃在宣武晚唐之時以此言之則夷狄之橫固無損吾中國之盛也要在禦得其道而已我太祖迅掃胡元成祖三犁虜庭真自古所未睹其盛者恭惟皇上威熏同天頃歲蠢茲犬羊敢擾疆場仰賴聖筭神明旋即驅剪今廟堂殫慮攬收群策幾無餘蘊矣大率修烽截隘築堡捍陲所以守也標兵選將哨敵出奇所以戰也二者果孰爲長與今總督久往懷來而精甲守南山一帶自謂拱護神京此爲先策事未及效已有議其非便者矣其果便與否與如欲規恢萬全之策以紓當寧之懷畢竟如何而可耶夫雅歌投壺猛將從出長嘯却胡亦儒者事毋徒曰軍旅之事未之學也

問 士生其鄉必習其事居其地則憂其民姑以河南最切者與士商之陝洛西鄰秦晉多深山絕巘嵩盧新澗之間礦徒動輒呼聚可持挺而相抵抗葉裕內鄉亦時發焉何以銷之使安其生理不爲害乎歸德南連鳳潁北

接蕭碭徐沛巨窩劫盜乘間而爲梗光羅鄧州壤交湖廣亦稱多盜雖隨時撲剪而蘖牙未拔也何以弭之使永綏教化不爲虞乎大河西來自底柱析城王屋東過孟津入開封之境地平土疏怒雷走電蕩齒爲災歲弗埽卷以萬計民膏竭矣河患依然殊非治可上策而又不可廢也夫知其非計而猶爲之智者不爲也將何以收長便之策乎宗室生齒日繁即如周府宗祿原額止四萬有奇而歲給當三十三萬加徵則勢不行設處則謀無措節經奏討部議又以內儲未充而不得請夫知其因迫而不爲之所仁者不爲也將何以爲經久之圖乎四者非細故也諸子負俊杰之望切粉榆之思其所得於長老先生者必有以告我也

中式舉人八十名

- 第一名 閻邦寧 原武縣學生 詩
- 第二名 來必上 河南府學生 書
- 第三名 高言 祥符縣學生 易
- 第四名 尚芾 羅山縣學增廣生 春秋
- 第五名 秦師湯 淇縣學生 禮記
- 第六名 方九功 南陽縣學生 詩
- 第七名 趙永祿 洛陽縣學附學生 易
- 第八名 林民莊 杞縣學附學生 書
- 第九名 田子堅 永寧縣學生 春秋
- 第十名 蘇時雨 衛輝府學生 禮記
- 第十一名 焦子春 登封縣學生 易
- 第十二名 朱光宇 祥符縣學生 詩
- 第十三名 孟應禎 遂平縣學生 書
- 第十四名 徐燾 固始縣學生 詩
- 第十五名 劉不盈 祥符縣學附學生 易
- 第十六名 王雲鷺 夏邑縣學增廣生 易
- 第十七名 喬之翰 偃師縣學生 詩
- 第十八名 姚繼可 襄城縣學生 書
- 第十九名 劉致中 延津縣學生 詩
- 第二十名 胡希舜 原武縣學附學生 詩

- 第二十一名 連格 鈞州學生 書
 第二十二名 李根 孟津縣學生 易
 第二十三名 劉若水 洛陽縣學附學生 詩
 第二十四名 張道 羅山縣學生 春秋
 第二十五名 劉光 南陽縣學生 書
 第二十六名 謝慶 南陽縣學生 易
 第二十七名 周西 彰德府學生 詩
 第二十八名 蕭卿 永城縣學增廣生 易
 第二十九名 王極 夏邑縣學生 書
 第三十名 陳大綱 開封府學生 易
 第三十一名 張鳴南 臨漳縣學生 春秋
 第三十二名 尹杰 夏邑縣學生 詩
 第三十三名 袁桂蓁 河南府學附學生 易
 第三十四名 孟兆龍 開封府學附學生 詩
 第三十五名 宋祉 許州學生 書
 第三十六名 劉自存 扶溝縣學生 詩
 第三十七名 楊時譽 祥符縣學增廣生 易
 第三十八名 許光祖 彰德府學生 詩
 第三十九名 桑東陽 開封府學生 禮記
 第四十名 陳朴 陳州學生 易
 第四十一名 于世恩 鄭州學增廣生 書
 第四十二名 胡峻德 光州學生 詩
 第四十三名 周庠 柘城縣學生 易
 第四十四名 郝維喬 開封府學附學生 詩
 第四十五名 胡以智 虞城縣學生 易
 第四十六名 黃添華 汝寧府學增廣生 易
 第四十七名 張四科 汝陽縣學生 詩
 第四十八名 楊梓 磁州學生 書
 第四十九名 郭東光 歸德府學生 詩
 第五十名 胡三德 郟縣學附學生 書
 第五十一名 熊上林 開封府學生 詩
 第五十二名 張輅甫 開封府學增廣生 春秋

- 第五十三名 李一心 輝府學生 禮記
第五十四名 賈一鳴 光州學附學生 易
第五十五名 邊靖 汝寧府學生 詩
第五十六名 馮露 襄城縣學附學生 書
第五十七名 趙行易 衛輝府學生 易
第五十八名 李臣之 嵩縣學增廣生 易
第五十九名 李金相 鄭州學增廣生 詩
第六十名 王中逵 祥符縣學生 易
第六十一名 林大節 開封府學生 詩
第六十二名 吳三畏 開封府學生 易
第六十三名 冉夢松 中牟縣學生 書
第六十四名 阮國信 睢州學生 春秋
第六十五名 王梓 商城縣學增廣生 詩
第六十六名 田樂義 蘭陽縣學增廣生 書
第六十七名 牛應宿 孟津縣學生 易
第六十八名 楊節 祥符縣學生 詩
第六十九名 都維新 開封府學附學生 禮記
第七十名 賀一孝 魯山縣學生 詩
第七十一名 于孟陽 河南府學生 易
第七十二名 桂時芳 通許縣學生 詩
第七十三名 胡誥 懷慶府學生 書
第七十四名 張懋德 洛陽縣學附學生 易
第七十五名 段可學 舞陽縣學生 春秋
第七十六名 余繼善 固始縣學增廣生 詩
第七十七名 閻自成 鹿邑縣學生 易
第七十八名 李秉謙 涉縣學生 詩
第七十九名 李贊 新安縣學生 易
第八十名 李蔭 內鄉縣學生 詩

第一場

四書

克己復禮爲仁一日克己復禮天下歸仁焉爲仁由己而由人乎哉顏淵曰請問其目子曰非禮勿視非禮勿聽非禮勿言非禮勿動

高言

同考試官教諭盧批(題若渙散其實不出克己此作獨得之故錄以式)

同考試官教諭陳批(通篇以克己立意而歸仁由己處尤得孔門傳授之旨是嘗留心理學者)

同考試官學正劉批(發盡克己之妙孔顏授受宛然在目)

考試官教諭蔡批(說出克己妙處)

考試官教諭林批(理明詞暢)

聖人詳告大賢之爲仁惟純於克己之功而已矣夫君子之所以去仁者已私累之也克己則事無非禮我欲仁而仁至矣夫子告顏淵之意如此且夫仁也者人之心也純乎禮而不雜以欲者也回也苟志於仁矣乎非必舍其固有之心而求所以爲之功也亦非舉其本無之心而求所以復之地也惟戒有我之私則研幾於將萌而還吾天理之正充不讓之勇則遏欲於已發而復吾心德之純斯可以爲仁矣然則不患仁之不能爲也患己之不能克也一日克己而復於禮則通天下而爲一心可也天下有不歸仁者乎一己任仁而用其力則先天下而自得其心可也其機有不由己者乎顏淵聞夫子之言已判然於理欲之辨而直請其克復之目子告之曰物感本無常形人心貴於有主知所自克斯無適非爲仁之功矣爾於非禮勿視焉勿聽焉而用力於視聽者皆仁也爾於非禮勿言焉勿動焉而用力於言動者皆仁也則隨事省察而天理周流於一身因心自觀而人欲盡消於克念其於仁也不可勝用矣吁嚴天人之介合內外之道惟一克己而仁存焉顏氏之子其殆庶幾乎噫游於聖人之門者孰非求仁之人然因人而藥一事之仁也惟顏子明睿所照有不善未嘗不知知之未嘗復行克復之訓實舉全體之仁告之他日爲邦之問備舉四代禮樂亦此意也使諸賢能自省察亦何莫非克復之教哉故雍之敬恕雍之克己也牛之詡言牛之克己也聖言本無上下要在深思而自得之耳

唯天下至誠爲能盡其性

來必上

同考試官教諭王批(發揮至誠盡性之意殆盡是可與言性者)